

靈寶領教濟度金書卷之十四

洞微高士開光教者真人審令其授

靈寶通玄私教本南先生林書其編

科儀五成品新錄開度通用

金鐘玉磬儀

立班 上香

以今焚香供養

神霄辟非大將軍神霄禁壇大將軍悉仗真香普同供養伏以三炷徘徊萬家陽之帝所九氣羅絡控鬱絕之神鄉潛騰丹赤之夷微昭徹玄黃之沖漠若稽玉範式御金章希聲奏而九合陽精隱韻碑而十和陰耀驚鳴鳳唱步虛揚八素之音虎嘯龍吟空洞耀七靈之詠神輝四關宵映六通葉精藉燦於華林先凝象外玄景輪困於壽樹氣煥天中鳴玉而方緯潛字扣瓊而圓經密應珠璣翠葆透迤移龍尾之班羽蓋金旌容與侍獅頭之座雲層降瑞風澤呈祥三極凝清端聽履上星辰之貴九霄恢廓耀素衣昭雨露之榮霽丹闕之生生暢清都之化化巨等扣頭紫陛歸

命玄壇仰聲精誠庸符彤鬢稽首皈依元極大道

振金鐘二十五聲

伏以圓虛含象陽韻凝和黃中融元極之聲逸響廓太空之量玄通沖漠大音容契於鬱羅淵默回旋雅觀潛符於劫仍真樸谷應妙景霏澄鏗鏘而華蓋雲開縹緲而流精霞映九重感聖十極迎仙肅運玄功昭諧羣事召陽神呪恭對披宣

元梵恢漠 九霞映空 丹靈顯著

五緯交通 真陽激徹 韻合玄宮

元始徘徊 群仙敬從 萬氣齊仙

隱微降衷 道生自然 變化无窮

和與道合真 宣召陽神符

擊玉磬三十聲

伏以浮陰凝潤方景溫澄表玉界而梵唱凌空列瑤壇而靈音徹野恢張妙有福圓之幽宰迎和冥合虛无泉壘之陰靈契妙輕清表質縹緲依聲感六合之風雲陰八絃之雨露无象之象自然而然影響旁昭精誠斯格召

陰神呪恭對披宣

高丁太虛 瓊宮紫房 玄壇制器

玉磬琳琅 霞霄振舉 乾坤合張

陰生梵唱 流演玄綱 慶雲生門

普濟存亡 克成高仙 永處福鄉

和與道合真 宣召陰神符

鐘磬交振三十六聲

伏以金聲玉振凌虛九奏以舒徐陽關陰通混景三成而鬱勃上儀翠漢下格黃與風舞流蘇龍簾映千枝之麗雲旋齒簿猊蓋騰百和之芳雲路祥開霄衢光動禁壇投鉞肅十地之魔靈辟非揚旌蕩六天之紛浩玄音朗徹威振昭回玄壇密象於紫宸綠界潛移於丹禁通真達靈神呪恭對披宣

混合二氣 表陰著陽 金和動瑞

玉潤靜昌 交感上下 格于十方

杳振玄宮 環珮鏘揚 靈符所告

嚴肅壇場 秘範重宣 萬神開張

和與道合真 宣禁壇辟非二將軍符

振金鐘九聲

盟潔披天衣 清風襲霞裾 端念陟雲臺  
 飛神騰大虛 時至當鳴鐘 和合契希夷  
 瓊音徹玄都 金鐘蕩紫微 萬騎雲間逸  
 九華空外飛 鳳凰翩翩翔 獅子縱橫馳  
 和與道合真

振玉磬六聲

稽首禮十方 虛契在三清 天尊住虛空  
 恍惚本无形 湛然自靈應 常能感精誠  
 西妃拊瓊瑟 齊和空峒聲 地獄無罪魂  
 天庭奏善名 一振琅音響 萬神稽首聽  
 和與道合真

伏以胚腴剖運高厚殊形九九而陽清上降  
 六六而陰濁下莫香冥莫測潛无聲无臭之  
 機磅礴難窮取有象有滋之數鈞天備舉梵  
 唱數揚鏘金而韻徹天中慶玉而音旋地表  
 龍蟠雲聚虎伏風凝周回感石之玄鼓舞和  
 同之妙以今三靈虛映四氣朗清開碧玉於  
 人間降紫金於天上鯨鐘薦瑞石十華赫奕  
 之尊鳳磬含和迎九野縹紛之衆塵清萬象  
 慶溢群昌廓幽顯以神交溥古今而氣合和

臨將御振鷲催班結志同誠旅行贊詠

交振大鐘磬各四十九聲

步虛旋遠 向來

又金鐘玉磬科

伏以蒼蓋垂精萬雲營而流響黃輿胤粹蔭  
 風澤以虛寥根鴻濛凝氣之先宗溟滓分靈  
 之後仰羲帝所碧霞羅絡於臨林俯渺神鄉  
 幽梵周回於玄闕圓方標象清濁殊形期躬  
 響之潛孚微澄家之密格迎和制器金鐘玉  
 磬以琳琅觀象舒壇翠葆珠幢而瞻藹青鸞  
 霄舞丹鳳雲吟洞章流六奏之音下闕鬱絕  
 梵唱逸九成之韻上徹寥陽敷瑞氣於八遐  
 融神光於三極天无氣穢華京延翠玉之尊  
 地絕妖塵雲陸耀紫金之貴陽靈拱北陰壘  
 朝東巨等拜首雲輝傾心月陸按清微之秘  
 範宏丹極之玄章聽履上星辰擁鳳璠而凡  
 奏垂衣昭雨露觀龍辰以階升高厚交享神  
 人允穆曲輪鴻尾之澤以旌燕雀之情恭闡  
 洪儀庸宣丹範

振金鐘

伏以圓虛高映清遠淵澄含元氣之淳和鯨  
 金鼓麗象太空之沖漠龍玉揚馨靈風激振  
 於希聲法雨流滋於陽韻九霄朗徹迎羽蓋  
 以徘徊三景煥明輅霓旌而赫奕光涵元聖  
 慶混陽靈高凝无極之真洞煥有生之妙

元範恢宣 九霞映空 丹靈顯著

五緯交通 真陽激徹 韻合玄宮

元始徘徊 群仙敬從 萬氣齊仙

隱微降衷 道生自然 變化无窮

和與道合真

振玉磬

伏以方涵潤潔靜粹端溫凝中正之奇材泗  
 浮球瑞煥泓澄之異稟崑崙琳珍清音振肅  
 於鸞臺隱韻飄揚於鳳簾聲馳六合來冥宰  
 之馳車響答九幽輅陰靈之自駕惟靜感靜  
 以和召和等碧玉以輝輝八黍珠而勃勃  
 高上太虛 碧宮紫房 玄壇制器  
 玉磬琳琅 霞霄振舉 乾坤合張  
 陰生梵唱 流演玄綱 慶雲生門  
 普濟存亡 克成高仙 永處福鄉

和與道合真

鐘磬交振

伏以玉虛回運金剛混凝圓清體乾健之資  
羽嬰鼓奏方厚表坤柔之德神蛇揚鳴徹三  
界以雲羅擁十華而霧集誼歌空洞流金辟  
斥於魔靈幢節飛玄憂玉奔澄於醜奕二儀  
煥耀四炁朗清交神景於太无拱靈光於妙  
有

混合二氣 表陰着陽 金和動瑞

玉潤靜昌 交感上下 格于十方

杳振玄宮 環珮鏘場 靈符所告

嚴肅壇場 秘範重宣 萬範開張

和與道合真

伏以陽經陰緯中疑感召之機地魄天魂內  
胤和同之妙五億聲聞而氣應三千音朗以  
神交玉宇霞明擁華芒於亮所金書雲煥散  
靈彩於星壇肅八方之威神會三靈之仙聖  
風雲混合出虛左列於珠鑄水月森羅同和  
大張於碧落光光互映景景交融鳴九鳳於  
寶林翠圓蕩樹唱八鸞於璇漢朱耀芙蓉

等肅對九清恭疏五濁啟琅函之秘典宣寶  
笈之冲科通天地人期溥慈雲於九軌耀玄  
元始庶凝湛露於八圓直贊真風仰依道氣  
領袖凌雲之侶明儀偃月之傳結志同誠旋  
行讚詠

敝大鐘磬

靈寶領教濟度金書卷之十四



靈寶領教濟度金書卷之十五

洞微高士開光救苦真人審真授

靈寶通玄弘教水南先生林真編

科儀立成品

禮金錄燈儀

立班 上香

伏以混沌未分旋无色无淵之妙鴻濛既判  
昭有形有氣之殊圓清上運於陽光方濁下  
凝於陰暗域羅五億渾淪仙聖之都界布三  
千磅礴鬼神之府判晦明於經緯別晝夜於  
陰陽恢廓霄景之醫昏昭合晨輝之晃朗幽  
開黑鬱顯契紫虛自非千枝璀璨以流華曷  
俾三極陸離而散彩是以科遵金錄著然燈  
之威儀教啟瓊囊昭降先之品格蘭蕙建設  
蓮炬恢張額免摘烏燦一天之星斗遊龍躍  
鳳舞六合之烟雲絳霞上耀於玉霄丹虹下  
明於金粟分符法炬內映心燈生五藏之華  
榮煥八圓之祭麗淪疏塵翳輝宅舍於福鄉  
辟斥注殃超祖玄於道境有求皆吉无願不  
符今有齋主某人躡潔蓬廬鋪張之陞澄清